

#OkolišjeZakon #MisliOPriodi! #ŽivimoPrirodu

Broj: 02-006/23
Sarajevo, 10.1.2023.

-SKUPŠTINA KANTONA SARAJEVO-

n/r predsjedavajućeg Skupštine KS

Reisa Džemaludina Čauševića br. 1, 71000 Sarajevo

P R E D M E T: Izjašnjenje, dostavlja se

Na osnovu zastupničke inicijative pokrenute tokom sjednice Skupštine KS dana 28.12.2022., te postupajući po zahtjevu predsjedavajućeg Skupštine KS, a kako je zatraženo dopisom br. 01-04-51520-37/22 od 28.12.2022., u nastavku obaviještavamo vas o poduzetim aktivnostima ovog Udruženja, kao i o aktivnostima koje namjeravamo poduzeti, s priloženim video zapisom zatečenog stanja na terenu od 28.12.2022. (video zapis br. 2, u prilogu):

- Krajem mjeseca **jula 2022.**, nakon službenog upita zastupnika gosp. Samira Avdića a Udruženje "Resursni Aarhus centar u BiH" (u nastavku teksta skraćeno „Aarhus centar u BiH“) je uzelo slučaj u rad, u cilju utvrđivanja okolnosti nastanka sporne nelegane deponije, kao i u cilju pokretanja nepohodnih postupaka radi saniranja nelegalne deponije u MZ Sokolović Kolonija, na lokaciji označenoj kao I. vodozaštitna zona, nedaleko od Mosta Spasa koji spaja MZ Sokolović Kolonija sa MZ Butmir. Predstavnici Aarhus centra u BiH su zajedno sa gosp. Samirom Avdićem obišli teren i zabilježili situaciju, kao što možete vidjeti na video zapisu br. 1. :

<https://www.youtube.com/watch?v=sLpg0qLevOg&t=5s>

Na snimku, koji možete pronaći na Youtube kanalu Aarhus centra u BiH, prateći navedeni link, možete vidjeti razmjere devastacije I. vodozaštitne zone prisustvom nelegalno odloženog građevinskog otpada a koje svakodnevno dospijeva i u korito rijeke Željeznice.

- Nakon godišnjih praznika, početkom mjeseca **septembra 2022.** izvršna direktorica Aarhus centar u BiH je održala sastanak sa članovima MZ Sokolović Kolonija i predstavnicima nevladinog udruženja "Iskon" u cilju zajedničke suradnje radi rješavanja spornog problema. Tom prilikom ponuđena je besplatna pravna pomoć Aarhus centra u BiH, radi rješavanja ovog problema, s obzirom da je to mandat djelovanja ovog Udruženja u odnosu na ekološke probleme u Bosni i Hercegovini (više informacija na web stranici: www.aarhus.ba).

- Tokom mjeseca **septembra 2022.** Aarhus centar u BiH je pokrenuo upravne postupke, te uputio sljedeće dopise:

- ✓ Zahtjev pristup informacijama br. 02-357/22 od 08.09.2022. upućen Kantonalnoj upravi za inspeksijske poslove KS;
- ✓ Zahtjev za hitan inspeksijski nadzor br. 02-358/22 od 08.09.2022. upućen Kantonalnoj upravi za inspeksijske poslove KS;

- ✓ Zahtjev za pristup informacijama br. 02-359/22 od 08.09.2022. upućen KJKP „Vodovod i kanalizacije“ d.o.o. Sarajevo;
- ✓ Zahtjev za pristup informacijama br. 02-371/22 od 26.09.2022. upućen Općini Ilidža;
- ✓ Zahtjev za pristup informacijama br. 02-372/22 od 26.09.2022. upućen KJKP „Rad“;
- ✓ Molba za sastanak upućena načelniku Općine Ilidža od 26.09.2022.

- Krajem mjeseca septembra 2022. Aarhus centar u BiH je zaprimio sljedeće odgovore:

- ✓ Rješenje br. 23-9/22 od 21.9.2022. KJKP „Vodovod i kanalizacija“ d.o.o. Sarajevo sa priložima;
- ✓ Rješenje br. 14-03-45-04401/22 od 27.9.2022. Kantonalne uprave za inspeksijske poslove.

- U mjesecu **oktobru 2022.** Aarhus centar u BiH je zaprimio sljedeće odgovore nadležnih institucija te uputio dopise:

- ✓ Molba za sastanak upućena načelniku Općine Ilidža od 26.09.2022.br. 01-396/22 od 10.10.2022.;
- ✓ Rješenje br. 02-0519025/22 od 11.10.2022. KJKP „Rad“ d.o.o. sa priložima;
- ✓ Urgencija i Zahtjev za pristup informacijama br. 02-408/22 od 17.10.2022. upućena Općini Ilidža.

-Tokom mjeseca **novembra 2022.** Aarhus centar u BiH je zaprimio:

- ✓ Zahtjev za preciziranje Zahtjeva za pristup informacijama br. 02-408/22 od 17.10.2022. upućena od službenika Općine Ilidža putem emaila;
- ✓ Preciziranje Zahtjeva za pristup informacijama br. 02-408/22 od 17.10.2022. upućena od strane izvršne direktorice Aarhus centra u BiH, službeniku Općine Ilidža putem emaila;
- ✓ Rješenje br. 16-04-6171/22 od 15.11.2022. Stručne službe za usklađenost, integritet i kontrolu kvaliteta Općine Ilidža.

☞ **Iz odgovora koje je Aarhus centar u BiH zaprimio od nadležnih institucija, evidentno je sljedeće:**

- da više od tri godine postoji nelegalna deponija građevinskog otpada na I. vodozaštitnoj zoni nedaleko od Mosta Spasa koji spaja MZ Sokolović Kolonija sa MZ Butmir a što je, između ostalog, protivno odredbama Zakona o zaštiti okoliša FBiH (“Sl. novine FBiH“ br. 15/2021), naročito u pogledu primjene čl.14. ovog Zakona; protivno odredbama Zakona o vodama FBiH (“Sl. novine FBiH“ br. 70/06), naročito u odnosu na primjenu čl. 48., čl. 53., a gdje u čl. 59. ovog Zakona jasno stoji da je “[z]abranjeno proizvoditi, rukovati, čuvati i odlagati opasne materije i otpad na vodama i vodnome dobru”; protivno Zakonu o upravljanju otpadom FBiH (“Sl. novine FBiH“ broj 33/03, 72/09 i 92/17) kojim se regulišu uvjeti i način tretiranja otpada, što svakako obavezuje postojanje svih potrebnih dozvola i saglasnosti, kako je navedeno u čl. 15. a gdje se navodi i da je “[z]abranjeno napuštati, gomilati, odlagati ili tretirati otpad bez nadzora;” te je u **potpunosti protivno** Odluci o zaštiti izvorišta Sarajevsko polje iz 1987.;
- da nadležna Kantonalna uprava za inspeksijske poslove i Općina Ilidža **n i s u** poduzele konkretne mjere niti aktivnosti prvo da utvrde počinioca, zatim da počinioca kazne, a najbitnije da saniraju nastalu štetu, odnosno da uspostave akcioni plan mjera u cilju sanacije nastale štete;

- da nadležna Kantonalna uprava za inspeksijske poslove i Općina Ilidža u svojim odgovorima demonstriraju izbjegavanje nadležnosti, a što je protivzakonito jer eskiviranjem nadležnosti i administrativnom šutnjom svjesno doprinose prolongiranju ovog opasnog problema, što za posljedicu može imati trajno onečišćenje I. vodozaštitne zone u MZ Sokolović Kolonija, a koja je **vitalan dio vodooskrbe grada Sarajevo** (u prilogu Analiza Nacrta privremene odluke o zaštiti izvorišta Sarajevsko polje, također i u online formatu na našoj web stranici: <https://aarhus.ba/publikacije/istrazivacki-radovi/>). To znači da se postojanjem ove nelegalne deponije vrši atak na zdravlje i živote svih građana Sarajeva, što je podložno krivičnom gonjenju, te svakako **pozivamo Skupštinu KS da se naročito posveti tom pitanju;**

 - što se tiče počinioca, iz odgovora KJKP „Rad“ i KJKP „Vodovod i kanalizacija“ d.o.o. Sarajevo evidentno je da se nelegalno gomilanje građevinskog otpada na I. vodozaštitnoj zoni u MZ Sokolović Kolonija može pripisati firmi Mevludin Commerec d.o.o. ul. Zeleni put br. 39, 71210 Ilidža, a da je bivši načelnik Općine Ilidža, Senaid Memić, Odobrenjem br. 06-22/18 od 18.1.20218. dozvolio firmi Mevludin Commerec d.o.o. ul. Zeleni put br. 39, 71210 Ilidža da provodi ove nelegalne radnje, čime je počinio mnoga krivična djela poput: nesavjestan rad u službi, zagađivanje vode za piće i živežnih namirnica, teška krivična djela protiv zdravlja ljudi, onečišćenje okoliša, i dr. Interesantna i zabrinjavajuća okolnost jeste da se Odobrenje br. 06-22/18 od 18.1.20218. više **ne može** pronaći u arhivi Općine Ilidža, kao što se može utvrditi iz odgovora službenika iz nadležne službe Općine Ilidža, a što aludira na prikriivanje krivičnih djela.
- ☞ S obzirom da pojedine nadležne institucije nisu ozbiljno pristupile rješavanju ovog problema, Aarhus centar u BiH je odlučio pokrenuti i zagovaračku kampanju, a koju će implementirati tokom 2023. godine u cilju animiranja nadležnih institucija da riješe ovaj opasan problem, kao i u cilju informisanja javnosti o opasnostima po zdravlje koja ova nelegalna deponija može izazvati u slučaju vrlo izvjesne kontaminacije I. vodozaštitne zone.
- Aarhus centar u BiH je dana 10.1.2023. uputio i Žalbu Federalnoj upravi za inspeksijske poslove u vezi Zahtjeva za hitan inspeksijski nadzor br. 02-358/22 od 08.09.2022. upućenog Kantonalnoj upravi za inspeksijske poslove KS, a na koji ovo Udruženje **još uvijek** nije dobilo odgovor.
- ☞ Od Skupštine KS očekujemo hitnu i **proaktivnu reakciju**. Te ovim putem ističemo da **stojimo na raspolaganju za dalju asistenciju**.

P r i l o z i:

- kako je gore navedeno; kao i
- Analiza Nacrta privremene odluke o zaštiti izvorišta Sarajevsko polje, također i u online formatu na našoj web stranici: <https://aarhus.ba/publikacije/istrazivacki-radovi/>;
- video zapis br. 2. od 28.12.2022.

S poštovanjem,

Dostaviti:

- naslovu;
- a/a.

Izvršna direktorica Udruženja "Aarhus centar u BiH:"



